

Ibsa Suuratu An-Naaziâ€™aat-Kutaa 3

Description

Kutaa dhumaa suuratu An-Naaziâ€™aat keessatti waaâ€™ee Guyyaa Qiyaamaa fi wantoota sodaachisoo guyyaa san adeemsifaman ni ilaalla. Qiyaamaa jecha ajaaâ€™ibaa takkaan ibsuun dhugaa ishii ifa baasa. Jechi tunis, â€™Mursaahaaâ€™ Addunyaan garamitti deema akka jirtu jecha takkatti tanaan sammuu namaa keessatti fakkii kaasun ibsa. Dhugumatti Qurâ€™aanni kitaaba ajaaâ€™ibaa Rabbii oltaâ€™maa irraa malee eenyurraallee taâ€™uu kan hin dandeenyedha.

﴿فَإِذَا جَاءَتِ الطَّامَّةُ الْكُبْرَىٰ ﴿٣٤﴾ يَوْمَ يَتَذَكَّرُ الْإِنْسَانُ مَا سَعَىٰ ﴿٣٥﴾
وَبُرِّزَتِ الْجَحِيمُ لِمَن يَرَىٰ ﴿٣٦﴾ فَأَمَّا مَن طَغَىٰ ﴿٣٧﴾ وَءَاثَرَ الْحَيَاةِ الدُّنْيَا ﴿٣٨﴾
فَإِنَّ الْجَحِيمَ هِيَ الْمَأْوَىٰ ﴿٣٩﴾ وَأَمَّا مَن خَافَ مَقَامَ رَبِّهِ ۖ وَنَهَى النَّفْسَ
عَنِ الْهَوَىٰ ﴿٤٠﴾ فَإِنَّ الْجَنَّةَ هِيَ الْمَأْوَىٰ ﴿٤١﴾﴾

â€™(34)-Yeroo balaan guddoon dhufte, (35)-Guyyaa namni wanta hojjate yaadatu. (36)-Jahiimis nama ilaaluuf ifa baafamte, (37)-Namni daangaa darbee fi (38)-Jireenya addunyaa tanaa filate, (39)-dhugumatti Jahiim teessoo [isaati]. (40)â€™Namni Gooftaa isaa dura dhaabbachuu sodaatee fi lubbuu ofii waan ishiin hawwitu irraa dhoorge, (41)-dhugumatti Jannani teessoo [isaati].â€™ (suurat An-Naaziâ€™aat 79:34-41)

â€™Yeroo balaan guddoon dhufte, Guyyaa namni wanta hojjate yaadatu.â€™

Araboota biratti â€™Xaammatuâ€™ jechuun balaa garmalee ulfaataa hin dandaâ€™amnee fi wanta hundaa haguugudha. Jecha â€™Xaammatuâ€™ jedhu wanta baayâ€™ee guddaa fi bishaan baayâ€™eef itti fayyadamu. Yommuu bishaan laga guutu â€™Xammal maaâ€™uâ€™ jedhama. [1] Ingiliffaan jecha Xaammatu jedhu, â€™Overwhelming Calamityâ€™ Amaariffaan immoo â€™â€™â€™ jechuun hiikan.

Kanaafu, Qiyaamaa fi wanta ishii keessatti adeemsifamu, â€™Balaan guddoo waan hundaa haguugdu (Xaammatul Kubraa)â€™ jedhamte waamamuun sirritti kan ishiif maluudha. Yommuu Qiyaamaan guddoon balaan ishii wanta hundaa haguugu dhufuu fi Guyyaa san keessa namoonni qorannoo fi murtiif dhaabbatan, sharrii fi keeyri irraa wanta addunyaa keessatti hojjate namni hunduu ni yaadata. Wanti kitaaba hojiin isaa itti galmaaâ€™u keessatti barraaâ€™e wanta addunyaa irratti hojjateen walitti kan galu taâ€™ee argata.

• **Jahiimis nama ilaaluuf ifa baafamte,** kana jechuun nama haala ishii ilaalu danda’u hundaaf Guyyaa san Jahiim ni mul’ifamti. Jahiim: maqaa ibiddaati, Jahannam

• **Namni daangaa darbee fi Jireenya addunyaa tanaa filate, dhugumatti Jahiim teessoo [isaati].** Kana jechuun namni badii gurguddaa hojjachuun daangaa Rabbiin kaa’te darbee fi Aakhirah guutumatti dhiisee jireenya addunyaa filate, gahuumsii fi iddoon jireenya isaa Jahannami.

Jecha biraatin, namni kafaruun, of tuuluu fi badii gurguddaa hojjachuun daangaa Rabbiin kaa’te darbee fi Aakhirah guutumaan guututti dhiisee jireenya addunyaa tanaa filate, dhugumatti Jahannam iddoo jireenya yeroo hundaa keessa jiraatu fi turuudha. Asitti jireenya addunyaa jechuun qananii fi faaya ishiiti.

• **Namni Gooftaa isaa dura dhaabbachuu sodaatee fi lubbuu ofii waan ishiin hawwitu irraa dhoorge, dhugumatti Jannani teessoo [isaati].** Kana jechuun namni qorannoof Rabbiin fuundura dhaabbachuu sodaatee fi wanta badaa nafseen hawwitu irraa dhoowwe, Jannani iddoo jireenya isaati. [2]

Wanti nafseen jaallattuu fi hawwitu baay’eedha. Aaya keessatti • **lubbuu ofii waan ishiin hawwitu irraa dhoorge,** jedhu yommuu dubbisnu, wantoota sammuu keenya keessatti dhufan keessaa gurguddoon, hawwii badaa akka zinaa, hanna fi kkf. Eeti, wantoonni kunniin aayah tana keessa ni seenu. Garuu wanti kana caalu maal akka ta’te beektu? Wanti kana caalu • shirkii fi of tuuludha. • Nafseen namaa tuni • Of ol guddisuu fi of dinqisiifachuu • jaallatti. Ammas, hojii gaarii namootatti agarsiifachuun ykn dhageessisuun namoonni akka faarsan jaallatti. Hojii gaarii na argaaf hojjachuun riya dha miti ree? Riyaan immoo gosa shirkii keessaa tokko. Kanaafu, namni Rabbi isaa fuundura dhaabbachuu sodaatee fi lubbuu ofii of ol guddisuu, of tuuluu, of dinqisiifachuu, kufrii, shirkii, na argaa, zinaa, hanna, namoota irratti daangaa darbuu fi kkf irraa dhoorge, Jannani iddoo jireenya isaa yeroo hundaa keessa turuudha. Akkuma Hadiisa keessatti dhufe, namni of tuulu Jannata hin seenu jedhame jira. Namni of hin tuulle immoo Jannata ni seenaa jechuudha. Rabbiin subhaanahu wa ta’maalaa ni jedha:

تِلْكَ الدَّارُ الْآخِرَةُ نَجْعَلُهَا لِلَّذِينَ لَا يُرِيدُونَ عُلُوًّا فِي الْأَرْضِ وَلَا فَسَادًا

وَالْعَقِبَةُ لِلْمُتَّقِينَ ٨٣

• **Ganda Aakhiraa san warra dachii keessatti ola’antummaa fi badii [raawwachu] hin feenef goona. Boodden [gaariin] warra Rabbiin sodaataniifi.** Suuratu Al-Qasas 28:83

• **Warra dachii keessatti ola’antummaa,** hin feenef • yommuu jedhu, haqa ykn namoota irratti kanneen of hin tuulle jechuudha. Namoonni kunnin gadi of qabu. Haqa irratti of hin tuulan. (Kana jechuun haqni (ergaan Islaamaa) yoo isaanitti dhufe, fudhatanii hordofu.) Dachii keessatti badii raawwachu jechuun immoo dachii ma’asiyaadhaan (ajaja Rabbi faallessu fi Isaaf buluu diduun) balleessudha. [3]

﴿يَسْأَلُونَكَ عَنِ السَّاعَةِ أَيَّانَ مُرْسَلُهَا ۚ فِيمَ أَنْتَ مِنْ ذِكْرِهَا ۚ﴾
 إِلَىٰ رَبِّكَ مُنتَهَلُهَا ۚ إِنَّمَا أَنْتَ مُنذِرٌ مَّن يَخْشَاهَا ۚ كَانَتْهُمْ يَوْمَ
 يَرَوْنَهَا لَمْ يَلْبَثُوا إِلَّا عَشِيَّةً أَوْ ضُحَاهَا ۚ﴾

â€œ(42)-Waaâ€™™ee Qiyaamaa ilaalchisee â€œGeenyi (dhufaatin) ishii yoomi?â€• [jechuun] si gaafatu. (43)-Ati ishii dubbachuu irraa maal keessa jirtaa? (44)-Dhumti ishii garuma Gooftaa keetiti. (45)-Ati akeekachiisaa nama ishii sodaatuti. (46)-Guyyaa ishii argan akka waan waaree booda yookiin waaree dura malee homaa hin turre [isaanitti fakkaata].â€• Suuratu An-Naaziâ€™™aat 79:42-46

â€œWaaâ€™™ee Qiyaamaa ilaalchisee â€œGeenyi ishii yoomi?â€• [jechuun] si gaafatu.â€• Aayah keessatti â€œMursaahaa?â€• jechuun maal jechuudhaa? Maxxantuun â€œ-haaâ€• maq-dhaala, â€œishiiâ€• jedhu bakka buâ€™™a. Amma wanti beeku barbaannu jecha â€œmursaaâ€• jedhuudha. Jechi â€œmursaaâ€• jedhuu xumura, â€œarsaaâ€• jedhu irraa kan horsifameedha. Hiika â€œArsaaâ€• keessaa tokko, â€œIrraa buâ€™™uuf dooni buufata ishii (galaana daarii) geessudha.â€• Kanaafu, **mursaa** jechuun, â€œgeenyi, gahiinsi, dhufaati (arrival)â€• taâ€™™a. Hiikni biraa, â€œArsaaâ€• gadi dhaabudha. Hiikni lamaan kunniin Qiyaamaaf kan taâ€™™uudha.[4]

Jechi â€œMursaahaaâ€• jedhu â€œargamuuâ€• Qiyaamaa agarsiisuuf itti fayyadamame. Kanaafu, â€œ**Geenyi (dhufaatin) ishii yoomi?**â€• jechuun â€œQiyaamaan yoom dhaabbatti? Yookiin yoom argamtii?â€• Hiikni biraa, â€œ**mursaaâ€•** galaana daarii iddoo (buufata) dooniin itti dhaabbattuudha. [5]

Jecha Mursaahaa fayyadamuun dubbii bareechisuuf qofa osoo hin taâ€™™in, wanta barbaachisaa taâ€™™ee wal fakkeessun ibsuu fi haqa Qiyaamaa akka namoonni hubatan taasisuufi.

Yunivarsin erga uumame irraa kaasee tartiiba isaa eeggate yeroo yeroon wal hordofe deemuun doonii galaana irra deemtuun wal fakkaata. Dooniin tuni adeemsa ishii keessatti iddoo adda addaatti jijjiramaa fi sochii haarawa horatti. Wanti samii fi dachii keessa jiraniis sochoâ€™™uu fi jijjiramu itti fufuu. Sochiin kuni hin dhaabbatu hanga Qiyaamaan dhaabbattutti malee. Dubbii akkanatti ifaa haa goonu: **addunyaan dooni** galaana keessa deemtun wal fakkaatti. **Qiyaamaan** immoo **iddoo fi yeroo dooniin itti dhaabbattuun** wal fakkaatti. Akkuma dooniin galaana bishaanii keessatti sochii itti fuutuun, addunyaan tunis galaana yeroo keessa sochii ishii itti fuuti. Fkn, aduun, jiiyni fi urjiileen sochii fi naannaâ€™™uu isaanii itti fufu. Doonin erga deemte booda buufata dhumaa itti dhaabbattu qabdi, addunyaan tunis yeroo itti dhaabbattu qabdi. Yeroo kanaan Guyyaa Qiyaamaa jennaan.[6] Kanaafu, akkuma dooniin deemte deemtee buufata ishiitti dhaabbattu, addunyaan tuniis deemte deemtee Qiyaamaa biratti ni dhaabbatti. Yommuu Qiyaamaan dhootu, addunyaan guutuun baduun jireenyi lammataa jalqabama.

Mushrikoonni Nabiyyii (SAW) yeroo Qiyaamaa ilaalchisee itti deddeebi'aaTMuun ãQiyaamaan yoom dhufti?• jechuun gaafatan. Ergasii Rabbiin subhaanahu wa ta'aaTMaalaa keeyyattota taniin buuse.

ãAti ishii dubbachuu irraa maal keessa jirtaa?ã• Kana jechuun Yaa Muhammad! Yeroo Qiyaamaan itti dhuftu kan hin beekne taatee osoo jirtuu yeroo Qiyaamaa dubbachuuf wanta akkami keessa jirtaa? Beekumsa ishii irraa ati homaa keessa hin jirtu. Kana jechuun yeroo Qiyaamaan itti dhaabbattu hin beektu.

Yeroo Qiyaamaan itti dhaabbattu Rabbiin subhaanahu wa ta'aaTMaalaa gabroota Isaa hundarraa waan dhokseef, yeroo ishii beekuuf nafsee tee hin ko'aaTMoomsin. Namoota Qiyaamaan yoom akka dhuftu si gaafataniif deebii deebisuuf hin dhiphatin. Yeroo ishii beeku keessa faaydan jiru maalidhaa? Kana keessa bu'aaTMaan homaatu hin jiru. kanaafi, yeroo ishii beeku keessa namootaaf faaydan homaatu waan hin jirreef, inumaa ishii dhoksuun isaaniif faaydaa fi fooyya'aaTMiinsa waan ta'aaTMuuf, beekumsi yeroon Qiyaaman itti dhuftu uumamtoota hundarraa ni dhokfame. Itti aanse ni jedha:

ãDhumti ishii garuma Gooftaa keetiti.ã• Kana jechuun beekumsi yeroon adeemsi jireenyaa addunyaa tanaa itti dhumatu fi haala addunyaa tanaa xumuraan gahuuf Qiyaamaan itti dhaabbattu gara Rabbii kee qofaati. Jecha gabaaban, Qiyaamaan yoom akka dhaabbattu Kan beeku Rabbiin qofa. Qur'aaTMaana keessatti ni jedha:

﴿يَسْأَلُونَكَ عَنِ السَّاعَةِ أَيَّانَ مُرْسَاهَا قُلْ إِنَّمَا عِلْمُهَا عِنْدَ رَبِّي لَا يُجَلِّيهَا لِوَقْتِهَا إِلَّا هُوَ ثَقُلَتْ فِي السَّمَوَاتِ وَالْأَرْضِ لَا تَأْتِيكُمُ إِلَّا بَغْةٌ يَسْأَلُونَكَ كَأَنَّكَ حَفِيٌّ عَنْهَا قُلْ إِنَّمَا عِلْمُهَا عِنْدَ اللَّهِ وَلَكِنَّ أَكْثَرَ النَّاسِ لَا يَعْلَمُونَ﴾

ãWaaãTMee Qiyaamaa ilaalchisee ãGeenyi (dhufaatin) ishii yoomi?ã• [jechuun] si gaafatu. Jedhi, ãBeekumsi ishii Gooftaa kiyya bira qofa. Yeroo ishiitti ishii ifatti kan baasu Isa malee hin jiru. Samiiwwanii fi dachii keessatti ulfaatte. Tasa malee isinitti hin dhuftu.ã• Akka waan ati ishii sirritti beektuutti si gaafatu. Jedhi, ãBeekumsi ishii Rabbiin qofa bira jira. Garuu irra hedduun namootaa hin beekan.ã• Suuratu Al-A'aaTMaraaf 7:187

Ibsa aayah tanaa ilaaluf as tuqaa <http://sammubani.com/2019/12/20/qiyaamaan-yoomi/#.XgIu5Uf7TIU>

ãAti akeekachiisaa nama ishii sodaatuti.ã• Itti gaafatamummaan kee yeroo Qiyaaman dhaabbattu namootaaf ibsuu miti. Gooftaan kee yeroo kana namoota, Malaykoota fi jinnoota irraa dhoksee jira. Itti-gaafatamummaan kee nama Qiyaamaa fi adabbii Guyyaa san kaafirootaa fi namoota badii gurguddaa hojjataniif qophaa'aaTMe sodaatu akeekachiisudha.

Ergamaan Rabbii (SAW) nama hundaafu akeekachisaadha. Garuu wanti asitti barbaadame: akeekachisatti kan fayyadamu nama Qiyaamaa sodaatu qofa. Namni ishiitti hin amannee fi hin sodaanne immoo akeekachisni gurra irra darba, xiyyefannoo itti hin kennu.

“Guyyaa ishii argan akka waan waaree booda yookiin waaree dura malee homaa hin turre [isaanitti fakkaata].”

Waaree booda jechuun laaqana ykn zuhrii boodarraa kaase hanga aduun seentu waqtii jiruudha. Waaree dura (duhaa) jechuun immoo ganama irraa kaasee hanga aduun walakkaa samii geessu waqtii jiruudha. Namoonni Guyyaa Qiyaamaa yommuu kaafaman, addunyaa keessa waaree dura yookiin waaree booda malee homaayyu akka hin turre isaanitti fakkaata. Guddinni fi ulfaatinna Guyyaa sanii yommuu argan jireenyi addunyaa garmalee isaanitti gabaabbatti.

Hiikni biraa aayah tanaa akkana ta’u: Guyyaa Qiyaamaa yommuu qabarii isaanii keessaa kaafaman qabarii keessa waaree dura yk waaree boodaa malee akka homaa hin turretti isaanitti dhagahama. Yeroo qabarii keessa turan sanitti yeroo dheeraan hanga fedhe isaan irraa haa darbu, hammam qabarii keessaa akka turan hin beekan.[7] Namni du’u akka nama rafee waan ta’u hamma qabarii keessa ture hin beeku. Namni hirriba cimaa sa’u dheeraaf rafe, hangam akka rafe hin beeku. Sa’u saddeet osoo rafeellee sa’u takka waan rafe isatti fakkaata. Namni du’u osoo waggaa miliyoona tureellee yommuu kaafamu qabarii keessa yeroo gabaabaf waan ture isatti fakkaata. Namoonni du’an qabarii keessa ciisun yommuu kaafaman akka nama hirribaa dammaqe, eenyutu nu kaase jedhu. Kana ilaalchisee Suuratu Yaasin keessatti ni jedha:

﴿وَنُفِخَ فِي الصُّورِ فَإِذَا هُمْ مِنَ الْأَجْدَاثِ إِلَىٰ رَبِّهِمْ يَنْسِلُونَ﴾ ﴿٥١﴾ قَالُوا يَوْمَئِذٍ
مَنْ بَعَثَنَا مِنْ مَرْقَدِنَا ۚ هَذَا مَا وَعَدَ الرَّحْمَنُ وَصَدَقَ الْمُرْسَلُونَ﴾ ﴿٥٢﴾

Xurumbaan ni afuuffama, yoosu isaan awwaalcha keessaa gara Gooftaa isaanii ariitiin bahuu. Ni jedhu, “Yaa badii keenya! Iddoo hirribaa keenya irraa eenyutu nu dammaqsee?” “Kuni waan Rahmaan waadaa galeedha, Ergamtoonnis dhugaa dubbatanii jiru.” [jedhama].

(suuratu Yaasin 36:51-52)

Namoonni du’an hamma yeroo isaan irra darbee akka hin beekne In sha Allaah caalatti ragaa waliin ibsa suuratu Al-Qiyaamaa jalatti ni ilaalla.

Alhamdulillah Rabbiil aalamiin, Tafsiirri suuratu An-Naazi’aat asirratti xumuramee jira.

[1] Ma’aariju tafakkuri-15/60, Tafsiiru Qurxubii 22/62 [2] Tafsiiru muyassar-584 [3] Sharih Riyaadu saalihiin- jildii 3 fuula 539 irra fudhatame. [4] Tafsiiru tahriir wa tanwiir-30/95, Tafsiiru Qurxubii-9/405 [5] Ma’aariju tafakkuri-15/63 [6] Gabaabbinaan Ma’aariju tafakkuri-5/81 [7] Ma’aariju tafakkuri-15/64, 5/87-88, Tafsiiru Qurxubii-22/67

Date Created

December 24, 2019

Author

admin